



Broj predmeta: 13-002667/20
Broj akta: 01.1-1413EK-0019/21
Datum, 15.1.2021. godine
Mjesto, Brčko

Na osnovu članova 16. i 17. Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19), u skladu sa članom 69. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije broj: 13-002667/20 od 24.12.2020. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se postupak javne nabavke po provedenom otvorenom postupku za nabavku računarske i ostale opreme za potrebe pravosudnih institucija Brčko distrikta BiH i to u odnosu na **Lot 2 – Nabavka mrežnog interface-a – switcheva, vatrozida, antivirusnog i backup rješenja za potrebe Pravosudne komisije Brčko distrikta BiH i Lot 6 - Nabavka računarske i druge opreme za potrebe Tužilaštva Brčko distrikta BiH**, koji je proveden na osnovu Odluke o pokretanju postupka javne nabavke broj: SuPK-07-1050/20 od 25.08.2020. godine, Obavještenja o nabavci broj: 1157-1-1-605-3-505/20 objavljenim na portalu javnih nabavki dana 23.09.2020. godine iz razloga što nijedna od primljenih ponuda za navedene lotove nije prihvatljiva, što prema čl. 69. stav (2) tačka d) Zakona o javnim nabavkama predstavlja osnov za poništenje postupka javne nabavke.

Obrazloženje:

U postupku javne nabavke računarske i ostale opreme za potrebe pravosudnih institucija Brčko distrikta BiH u odnosu na lot 2 je dostavljena jedna ponuda „QSS“ d.o.o. Sarajevo, a u odnosu na lot 6 dvije ponude i to ponuđača: „Copitrade“ d.o.o. Bijeljina i „Network I“ d.o.o. Bijeljina. Sastavni dio odluke čini i zapisnik o pregledu i ocjeni ponuda. Komisija je razmotrila ponude sa aspekta načina pripreme, dostave, oblika i sadržaja ponuda te je ustanovila da ponude ponuđača „Copitrade“ d.o.o. Bijeljina za lot 6 i ponude ponuđača „Network I“ d.o.o. Bijeljina za lotove 3, 6 i 7 nisu dostavljene u skladu sa zahtjevima iz tenderske dokumentacije (sa navedenog aspekta). U toku objave postupka javne nabavke objavljene su izmjene tenderske dokumentacije, tehničkih specifikacija za lot 2, 3, 6 i 7, te je naglašeno da su ponuđači dužni ponudu dostaviti na izmijenjenim tehničkim specifikacijama za navedene lotove ili će ponuda biti odbačena kao neprihvatljiva. Analizom ponuda utvrđeno je da su ponuđači „Copitrade“ d.o.o. Bijeljina (za lot 6) i „Network I“ d.o.o. Bijeljina (za lot 3, 6 i 7) dostavili ponudu na starim obrascima za cijenu ponude/tehničkim specifikacijama te su, u skladu sa obavještenjem o izmjenama tenderske dokumentacije, ponude navedenih ponuđača za navedene lotove odbačene kao neprihvatljive. Dalje je, vezano za zahtjeve u pogledu tehničke i profesionalne sposobnosti (samo za lot 2 i 4) utvrđeno da je ponuđač „Middle point electronics“ d.o.o. Sarajevo kvalifikovan ponuđač za lot 4, dok su stručni članovi komisije imenovani ispred Pravosudne komisije Brčko distrikta BiH utvrdili da ponuđač „QSS“ d.o.o. Sarajevo nije dostavio dokaz da je ovlašteni distributer ili partner proizvođača za sve stavke koje nudi u sklopu lota 2 (fali dokaz za Symantec). Iz navedenog razloga ponuđač je ocijenjen kao nekvalifikovan. Pored navedenog bitno je naglasiti i da je ponuda ponuđača značajno veća od procijenjene vrijednosti nabavke i da kao takva, i da je ponuđač

kvalifikovan, ne bi mogla biti prihvaćena. S obzirom na to da su navedene ponude bile jedine koja su dostavljene u odnosu na lot 2 i lot 6 donesena je Odluka o poništenju postupka javne nabavke, a sve u skladu sa odredbama člana. 69. stav (2) tačka d) Zakona o javnim nabavkama.

Član 2.

Odluka o poništenju postupka izbora najpovoljnijeg ponuđača stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Prvosudnoj komisiji,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.



GRADONAČELNIK

Esed Kadrić